

***Autoridade Bankária & Pagamentu Timor-Leste nian (ABP)***  
***Banking and Pyments Authority of Timor-Leste***

---

**Relatóriu Trimestráil Fundus Mina-Rai nian**

**Trimestre ne'ebe hotu iha 30 Setembru 2010**

**KOMUNIKADU IMPRENSA**

Autoridade Bankária no Pagamentu (ABP) ohin lansa Relatóriu Trimestráil ba dala Rua Nulu resin ida ba Trimestre nebe termina iha 30 Setembru 2010 kona ba Fundus Mina-Rai Timor-Leste nian ne'ebé hatudu katak Kapitál fundus nian iha 30 Setembru 2010 hamutuk millaun \$ 6.603,63 kompara ho millaun \$6.299,13 iha fim Junú 2010.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun \$376.72 ne'ebé kompostu husi kontribuisaun kontribuente sira ba fundus ne'e hamutuk millaun \$222.73 no kontribuisaun realeza (*royalty*) sira husi ANP (*Autoridade Nasional Petróleu*) hamutuk millaun \$153.99.

Rendimentu husi investimentu fundus nian hamutuk millaun \$103.66 durante trimestre ne'e, husi ne'ebé kupaun no jurus ne'ebé simu mak millaun \$53.27 no mudansa iha valór merkadu nian mak millaun \$50,39. Ne'e resulta ba rendimentu portefoliu fundus nian durante trimestre nee 1,62% enquanto rendimentu referencia (*benchmark*) ba periodu nee nian mak 1,68%. Rendimentu portefoliu durante trimestre ne'e mak -0.06% kiik liu rendimentu referêncía (*benchmark*).

Lei Fundus petróleu nian espesifika katak Autoridade Bankaria no Pagamentu nu'udar Banku Sentráil Timor-Leste nian iha futuru, mak hanesan ajente ne'ebé responsavel ba jestaun operasionál fundus Petroleu nian. Ministériu Finansas responsavel ba establesimentu estratéjia investimentu tomak kona ba Fundus ne'e nian.

Mandatu nebe fo ba ABP laiha mudansas, katak, atu jere fundu ne'e besik ba Indise referencia Merrill Lynch tinan 0-5 Governu Estadus Unidus nian enquanto BIS nia mandatu mak jere fundus iha maneira retornu portefoleu titulus diversifikadu ho objetivu atu dezempenha liu referencia (*benchmark*) e mantein *ex ante tracking error* iha Pontus baze 100 nia laran.

Autoridade Bankaria no Pagamentu maneja ona portefoleu besik liu ho pontu referencia trimestre dala 21dahuluk. Diferensia entre portefoliu no pontu referencia hahú husi inisiu fundus nian mak pontu baze -3.

Pontu importante husi Relatóriu Trimestre ba dala XXI, ne'ebé kobre período 1 Julhu toó 30 Setembru 2010, inklui:

- Saldo balansu inisiu hamutuk millaun \$6.299, 13
- Reseitas durante trimestre ne'e hamutuk millaun \$376.72 ne'ebé kompostu husi reseita kontribuente sira hamutuk millaun \$222.73, reseita realeza husi ANP (*Autoridade Nasional Petróleu*) nian hamutuk millaun \$153.99.
- Osan nebe sai mak millaun \$175.88 kompostu husi transferensia ba Orsamentu Geral Estadu hamutuk millaun \$175.00 no gastu hodi kobre kustu operasionál nian hamutuk millaun \$0.88.
- Osan kontadu liquidu nebe tama ba Fundu durante trimestre ne'e mak millaun \$200.84.

- Rendimentu portefolio mak 1,62% durante trimestre ne'e no rendimentu referensia (*benchmark*) mak 1,68%. Excessu retornu portefoliu mak -0,06% kiik liu retornu referensia.
- Rendimentu investimentu durante trimestere ne'e mak millaun \$103.66 kompostu husi jurus titulus nian millaun \$53.27 no alterasaun valor merkadu nian mak millaun \$50.39.
- Saldo balansu ikus hamutuk millaun \$ 6, 603, 63.

Iha 2009, Ministra Financas husu ABP atu hahu prosesu nomeasaun ba gestor externa ida iha ekidade global nian. Resultadu husi prosesu ne'e mak selesiona ona Schroder Investment Management Ltd ("Schroders") nudar gestor externa atu maneija 4% ka millaun 260 husi total fundus nian. Akordu ba mandatu ne'e asina ona iha loron 7 Setembru 2010 no nia portefoliu ne'e rasik hahu implimenta iha inisiu fulan Outubru 2010.

Relatóriu trimestrál, no mós lei Fundus Petróleu nian no Akordu Jestaun, disponivel husi sítu Autoridade Bankária no Pagamentu [www.bancocentral.tl](http://www.bancocentral.tl)

Ba informasaun adisionál bele hetan husi:

Venancio Alves Maria  
Diretór Ezekutivu  
Jestaun Fundus Petróleu,  
Autoridade Bankária no Pagamentu Timor-Leste nian  
Korreiu-Eletróniku: [venancio.maria@bancocentral.tl](mailto:venancio.maria@bancocentral.tl)

Telefone: + (670) 3313718

Dili, 10 Novembru 2010